



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Na osnovu člana 69. stav 2. tačka d) i 70. stav 1. 4. i 6. Zakona o javnim nabavkama („Službeni glasnik BiH“, broj 39,14 i 59/22), u otvorenom postupku za nabavku šatora, Gradonačelnik donosi:

ODLUKU
o poništenju postupka javne nabavke

Član 1.

Poništava se otvoreni postupak javne nabavke za nabavku šatora, iz razloga što su sve tri zaprimljene ponude neprihvatljive, a u skladu sa članom 69. stav 2. tačka d) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-17018/23 od 08.08.2023. godine. Obavještenje o nabavci broj: 1355-1-1-215-3-222/23 objavljeno je na Portalu javnih nabavki dana 26.09.2023. godine i u Službenom glasniku broj: 67/23 od 29.09.2023. godine.

Procijenjena vrijednost za predmetnu nabavku iznosila je 25.640,00 KM bez PDV-a.

Do krajnjeg roka za dostavu ponuda, Ugovorni organ je zaprimio tri ponude: ponuda ponuđača „DANIAL S“ d.o.o. Tešanj, ponudu ponuđača „FIRE TRADE“ d.o.o. Srebrenik i ponudu ponuđača „INTER-COM“ d.o.o. Zenica. Nijedna od zaprimljenih ponude ne ispunjava uslove iz tenderske dokumentacije, iz sljedećih razloga:



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

Ponudač „DANIAL S“ d.o.o. Tešanj je u svojoj ponudi, na strani 36-42 dostavio tehnički list proizvođača šatora sa opisom (tehničke karakteristike), u kojem fali dio Reakcija na vatru: do 100 mm/min po standardu EN 3795:1989 iz specifikacije koju je objavio ugovorni organ. S obzirom da se iz tehničkog lista koji je dostavio ponudač ne može utvrditi da li isti ispunjava uslove u pogledu reakcije na vatru, ponuda ponudača ne ispunjava uslove iz tenderske dokumentacije i kao takva se odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

Ponudač „FIRE TRADE“ d.o.o. Srebrenik je u svojoj ponudi, na strani 19-24 dostavio tehnički list (tehničke karakteristike), u kojem fali dio Rasvjeta iz specifikacije koju je objavio ugovorni organ. S obzirom da se iz tehničkog lista koji je dostavio ponudač ne može utvrditi da li isti ispunjava uslove u pogledu dijela rasvjete, ponuda ponudača „FIRE TRADE“ d.o.o. Srebrenik ne ispunjava uslove iz tenderske dokumentacije i kao takva se odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

Ponudač „INTER-COM“ d.o.o. Zenica je u svojoj ponudi, na strani 34 dostavio opis šatora, a ne tehnički list iz kojeg se ne može utvrditi da li šator zadovoljava sve karakteristike iz tehničkog opisa koju je objavio ugovorni organ. S obzirom da se navedeno ne može utvrditi iz tehničkog lista, ponuda ponudača „INTER-COM“ d.o.o. Zenica ne ispunjava uslove iz tenderske dokumentacije i kao takva se odbacuje u skladu sa članom 68. stav 4. tačka i) Zakona o javnim nabavkama i ne ulazi u dalju evaluaciju ponuda.

S obzirom na sve navedeno, Ugovorni organ poništava postupak javne nabavke u skladu sa članom 69. stav 2. tačka d) Zakona o javnim nabavkama.

POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi, putem Ugovornog organa: Grad Zenica, Služba kabineta Gradonačelnika, Trg BiH 6, 72 000 Zenica, u roku od 10 (deset) dana od dana prijema Odluke.

Žalba se podnosi u 3 (tri) primjerka, kako bi mogla biti uručena izabranom ponudacu, Uredu za razmatranje žalbi i Ugovornom organu.

Žalba se podnosi neposredno Ugovornom organu u pisanoj formi.

Broj: 02-11-17018-2/23

Datum: 10.11.2023. godine

DOSTAVLJENO:

- 3 x Ponudači
- 1 x Služba kabineta Gradonačelnika
- 1 x Tenderska dokumentacija
- 1 x a/a



GRADONAČELNIK

Fuad Kasumovic